

Kiatbóe ê Kéngkò

13 Che sī góa tē saⁿ pái beh khì lín hia. Kengtián ū kóng, "**Ták hāng tāichì lóng tiòh suiàu nāngé á sī saⁿ ê chengjīn**"¹⁰. 2 Góa tī tē jī pái khi lín hia ê sī íkeng ū kā lín kéngkò kòe, chit má góa bô tī lín hia, beh koh chit pái kā lín kéngkò, tùi hiahê íchêng hoānkòe chōe ê kah kītha sōu ê lāng, góa nā koh khì lín hia ê sī, choattùi bô beh khoaniông. 3 Lín ē tit tiòh lín số suiàu ê chengki, lâi chengbêng Kitok thongkòe góa lâi teh kóng oē. Kitok tùi thāi lín pēng bē loánjiók, tiantò ē tī lín tiongkan hiánchhut tōa koānlêng. 4 Kitok sui jian inūi loánjiók pī tēng tī sipjīkè téng, chóng sī, l óakhò SiōngChú ê koānlêng iáu teh oah. Chhinchhiūⁿ áne, goán kah l kiatlián mā chiāⁿ chò loánjiók, chóng sī, óakhò SiōngChú tùi lín hiánhiān ê tōa koānlêng, goán mā ē kah Kitok chòhóe oah.

5 Lín tiòh séngchhat kakī, khòⁿ sī m̄ sī ū chiàu sèngióng teh sengoah. Lín mā tiòh khógiām kakī. Lín engkai chai Iésu Kitok ū tiàm tī lín lâibīn, tūhui lín bô thongkòe khógiām. 6 Góa ñgbāng lín sionsìn goán ū thongkòe khógiām. 7 Goán kīkiū SiōngChú, hō lín bē chò jīm hō pháíⁿ tāichì, che m̄ sī beh hiánbēng goán ū thongkòe khógiām, khiok sī beh hō lín ū chengtit ê hêngú; tiòhsng goán hō lāng khòⁿ chò sī bô thongkòe khógiām ê, mā bô iàukín. 8 Inūi goán choattùi bē chò jīm hō úipōe chinlí ê tāichì, kantaⁿ ē íonghō chinlí. 9 Tng goán loánjiók, lín íongchòng ê sī, goán tòh hoaⁿ hí; goán số kīkiū ê tòh sī lín ē tàng chiāⁿ chò oânchoân. 10 Inūi áne, góa thàn góa bô tī lín hia ê sī, siá chit tiuⁿ phoe hō lín, chiah biántit góa khì kàu lín hia ê sī, tiòh iōng Chú số hō góa ê koānpèng lâi giāmlē tùi thāi lín; chitê koānpèng sī beh khíchō lín, pēng m̄ sī beh húihoāi lín.

Kiatbóe ê Chhéngan

¹⁰ SBK 17:6, 19:15

結尾 ê 警告

13 這是我第三 pái beh 去 lín hia。經典有講：「Ták 項 tāichì lóng tiòh 需要兩個 á 是三個證人」¹⁰。2 我 tī 第二 pái 去 lín hia ê 時已經有 kā lín 警告過，chit má 我無 tī lín hia，beh koh 一 pái kā lín 警告：對 hiahê 以前犯過罪 ê kah 其他所有 ê 人，我若 koh 去 lín hia ê 時，絕對無 beh 寬容。3 Lín ē 得 tiòh lín 所需要 ê 證據，來證明基督通過我來 teh 講話。基督對待 lín 並 bē 軟弱，顛倒會 tī lín 中間顯出大權能。4 基督雖然因為軟弱被釘 tī 十字架頂，總是，祂 óa 靠上主 ê 權能 iáu teh 活。親像 áne，阮 kah 祂結連 mā 成做軟弱，總是，óa 靠上主對 lín 顯現 ê 大權能，阮 mā ē kah 基督做伙活。

5 Lín tiòh 省察 kakī，看是 m̄ 是有照信仰 teh 生活。Lín mā tiòh 考驗 kakī。Lín 應該知耶穌基督有 tiàm tī lín 內面，除非 lín 無通過考驗。6 我 ñg 望 lín 相信阮有通過考驗。7 阮祈求上主，hō lín bē 做任何 pháíⁿ tāichì，這 m̄ 是 beh 顯明阮有通過考驗，卻是 beh hō lín 有正直 ê 行為；tiòh 算阮 hō 人看做是無通過考驗 ê，mā 無要緊。8 因為阮絕對 bē 做任何違背真理 ê tāichì，kantaⁿ ē 擁護真理。9 當阮軟弱，lín 勇壯 ê 時，阮 tòh 歡喜；阮所祈求 ê tòh 是 lín ē tàng 成做完全。10 因為 áne，我趁我無 tī lín hia ê 時，寫 chit 張 phoe hō lín，chiah 免得我去到 lín hia ê 時，tiòh 用主所 hō 我 ê 權柄來嚴厲對待 lín；chitê 權柄是 beh 起造 lín，並 m̄ 是 beh 毀壞 lín。

結尾 ê 請安

¹¹ 兄弟姊妹，taⁿ 寫到 chia 為止。Lín tiòh

¹⁰ 申 17:6, 19:15

11 Hiaⁿtī chímōe, taⁿ siá kàu chia ûichí. Lín tiòh hílók, tiòh tuikiû oânchoân, tiòh hōsiōng biánlē, tiòh tângsim hiáplék, tiòh hôbók chòhóe. Goān siúⁿsù chùai kah pêngan ê SiōngChú kah lín tôngchāi. 12 Tiòh ēng sèngkiat ê siochim, lâi hōsiōng chéngan. 13 Chèng sìn^tô lóng beh kā lín chéngan. 14 Goān Chú lésu Kitok ê intián, SiōngChú ê chùai, Sènglêng ê siongthong, kah lín tāike tôngchāi.

喜樂，tiòh 追求完全，tiòh 互相勉勵，tiòh 同心協力，tiòh 和睦做伙。願賞賜慈愛 kah 平安 ê 上主 kah lín 同在。12 Tiòh 用聖潔 ê 相chim，來互相請安。13 眾信徒 lóng beh kā lín 請安。14 願主耶穌基督 ê 恩典，上主 ê 慈愛，聖靈 ê 相通，kah lín 大家同在。